

SCRIPT OF EVENING GOJRI NEWS BULLETIN 4JUNE 2025

1700HRS

اونینگ گو جری نیوز بلیٹن مورخہ 4جون 2025

یوہ آکا شوانی جموں بے ظفر اقبال تے نصرت تیں خبر سنو۔

HEADLINES

۱۔ وزیر اعظم نریندر مودی اپنا جموں کشمیر غا دورہ غے دوران 46 ہزار کروڑ روپیہ توں زیادہ غا متعدد ترقیاتی پروجیکٹاں گو آغاز کریں گا اپنا دورہ غے دوران جناب مودی جناب پُل آنجی کھڈ تے وندے بھارت ریل گڈی نانہہ وی ہری جھنڈی دسیں گا۔

۲۔ وزیر اعظم نریندر مودی غا دورہ توں پہلا ہی جموں کشمیر جگہ جگہ حفاظتی انتظامات بدھا دیتا ہیں تے قومی شاہراہ ور وی چوکسی تیز کردتی ہے۔
۳۔ مقبوضہ جموں کشمیر مانہہ مقیم دہشت گرد غی جائیداد ضلع رام بن مانہہ حکام نے ضبط کر لی ہے۔

۴۔ 14۔ کھ توں زیادہ عازمین حج غو سعودی سرب غی جانب آگاز تے اس سلسلہ مانہہ سعودی حکام غی طرفوں عازمین حج واسطے گرمی غی ہر تو بچن واسطے خاص انتظامات کیا گیا ہیں۔

۵۔ بھدرواہ ثقافتی شام اج ڈوڈہ نانہہ موسیقی ورثا تے تہوار غا جذبہ غے سنگ روشن کرے گی۔

PM JK VISIT

وزیر اعظم نریندر مودی اس مہینہ غی 6 تاریخ نانہہ جموں کشمیر غو دورو کریں گا تے 46 ہزار کروڑ روپیہ توں زیادہ غا متعدد ترقیاتی پروجیکٹاں نانہہ قوم غے ناں وقف کریں گا۔ وزیر اعظم غا دفتر غا ایک بیان مانہہ کیو گیو ہے جے خطہ مانہہ ریل ڈھانچہ تے رابطہ نانہہ فروغ دینو واسطے وزیر اعظم نریندر مودی جناب ریل پُل تے آنجی کھڈ پُل گو افتتاح کریں گا جناب مودی کترہ تے سرینگر غے بشکار 2 وندے بھارت ریل گڈیاں نانہہ وی ہری جھنڈی دسیں غا شروع کیا جان آلا دیگر منصوباں مانہہ 272 کلو میٹر غو ادھمپور سرینگر بارہ موہ ریل نیک منصوبہ شامل ہے۔ وزیر اعظم مودی کترہ مانہہ شری ماتا ویشنو دیوی انسٹیوٹ آف میڈیکل ایکسیلینس غو وی سنگ بنیا د رکھیں گا جس غی 350 کروڑ روپیہ توں زیادہ ہے ریاسی ضلع مانہہ پہلو میڈیکل کالج وے گو جہیرو خطہ مانہہ صحت غی دیکھ بھال نانہہ بڈاوے غو۔

PEOPLE REACTION

کترہ غا وکان مانہہ جوش و خروش غی ہر سرینگر ریل نیک غا افتتاح کرن توں پہلا ہی دیکھی جاری ہے مقامی وکان غ وکھنو ہے جے اس منصوبہ توں نہ صرف سیاحت نانہہ فروغ ملے غو بلکہ روز گار غا نوا مواقع وی پیدا ویں گا تے زائرین تے رہائیشاں واسطے یکساں طورور سفر کرن مانہہ وی آسانی وے گی تے نال ہی اس خطہ مانہہ ایک خواب وی پورو وے گو۔ آکاشوانی غا خبراں آلا شعوبہ سنگ گل بات کرتا واں کُج مقامی وکان نے اس طرح کہیو۔

SECURITY ARRANGEMENTS

وزیر اعظم نریندر مودی غا جموں کشمیر مانہہ ممکنہ دورا تیں پہلاں علاقاں مانہہ سخت حفاظتی انتظام کی اکیا قومی شاہراہ ور مزید حفاظت نانہہ مضبوط کردتو گیو ہے جت اضافی دستاں نانہہ تعینات کیو گیو ہے تے نگرانی بدھا دتی گئی ہے تانجے آمدرفت مانہہ آسانی وے تے مکمل تحفظ نانہہ یقینی بنایو جاسکے حفاظتی دستاں ہائی رٹ ور ہیں تے خاص ناکا قائم کیا گیا ہیں تانجے اس اہم دورا واسطے مکمل حفاظتی انتظام نانہہ موثر بنایو جاسکے۔

POONCH OPERATIONS

جموں کشمیر پو یس نے سرحدی ضلع پونچھ مانہہ پاکستان تیں چلن آلا دہشت گرد کمانڈران غے خلاف بڑی کارروائی شروع کی ہے مارا ضلع نمائندہ غے مطابق پچھلا 24 گھنٹاں مانہہ 50 تیں زیادہ گھراں غی تلاشی ی گئی ہے تے آپریشن اجیں جاری ہے۔ یاہ کارروائی سنگلا بھاگلا ناکا منجاری بری بُدا کرنی مینڈر تے قسبہ جیسا علاقاں مانہہ چل رہی ہے اس آپریشن غو مقصد دہشت گرد غا جال نانہہ توڑنو تے اُن افراد نانہہ پکڑنو ہے جن غو تعلق ملک دشمن سرگرمی تیں ہوسکے۔ اس بارے مزید جانکاری دیتا واں مارا نمائندہ انو بھو مشری غی یاہ رپوٹ۔

PROPERTY ATTACHED RAMBAN

دہشت گردی غا نیٹ ورک غے خلاف ایک بڑی کارروائی مانہہ ضلع رام بن مانہہ حکام نے غیر قانونی سرگرمیاں گا روک تھام بارے قانون غے تحت مقبوضہ جموں کشمیر مانہہ مقیم دہشت گرد علی محمد عرف ابرمحمیم شیخ غی ڈیڈھ کنال توں زیادہ زرعی زمین نانہہ ضابطہ کر یو ہے۔ مارا ضلع نمائندہ نے خبر دتی ہے جے دھرم کنڈ غا اگران سمبر مانہہ واقع اراضی ور ریکارڈ غے سنگ نوٹس جاری کیو گیو ہے تے اس غی فروخت یا منتقلی ور پابندی لا دتی ہے۔ قابل ذکر ہے جے یہ کارروائی دہشت گردی ور قابو پان تے قومی سلامتی غا تحفظ واسطے جاری کوششاں غی نشان دیہی کرے حکام نے ملک دشمن سرگرمیاں مانہہ ملوث افراد غے خلاف سخت کارروائی کرن غا عزم غو اعادہ کیو ہے۔ آکاشوانی غا خبراں آلا شعوبہ سنگ گل بات کرتا واں ضلع رام بن غا ایس ایس پی گلبیر سنگھ نے کُجھ اس طرح کہیو۔

HAJJ PILGRIMAGE

اج تیں سالانہ حج غو آغاز ہو گیو ہے جس مانہہ 14 کھ تیں زیادہ بین الاقوامی زائرین تے ہزاراں مقامی افراد مکہ مکرمہ مانہہ شامل ہو رہیا ہیں سعودی حکومت نے شدید گرمی غے پیش نظر زائرین غی حفاظت واسطے خاص انتظامات کیا ہیں۔ حج غی عبادت 9 جون توڑی جاری رہ غی۔ جد کہ پلک عرفہ غو دن ہے تے 6 جون تیں عیدالاضحی شروع ہو رہی ہے۔ سعودی عرب مانہہ بھارتی سفیر نے تمام حُجاج نانہہ مباک باد دتی تے دسیو کہ حج سووی دھا ایپ ڈاکٹر غی ٹیم انتظام غی سہولت تے مفت فون سروس غے ذریعے حاجیاں غی مدد کی جارہی ہے۔

BHADERWAH

جموں کشمیر مانہہ محکمہ سیاحت غیجانب تیں اج شام 6 بجے بدرواہ کلچرل اوننگ غو اہتمام کیو جارہیو ہے یاہ تقریب مقامی ثقافت موسیقی خوشیاں تے رنگا رنگ ماحول غو خوبصورت ملاپ وے غو۔ سٹیج ور مقامی تے قومی فنکار لکھ گیت تے اپنا فن تیں وکان

نانہ خوش کریں غا۔ مقامی وکان تے سیاح نانہ دعوت دتی گئی ہے کہ ضلع ڈوڈھ غی خوبصورت وادی بھدرواد مانہ اس شام غو حصو بنیں۔

VIKSIT KRISHI DODA

وکست کرشی سنکپ ابھیان 2025 غے تحت جموں زراعت غا ڈائریکٹر ارویندر سنگھ رین نے ضلع ڈوڈھ غا گراں بارا گو دورو کیو تے مقامی کساناں غے نال ملاقات کی انہاں نے کھیرف غا موسم مانہ سائنسی تے جدید زرعی طریقہ اپنان غی اہمیت ور زور دتو تانجے پائیدار تے موسمی تبدیلیاں غے خلاف مزاحمیت مانہ اضافو وے ڈائریکٹر نے کساناں تیں کہیو کہ نوی ٹیکنک وچی تے کاشتکاری غا جدید طریقاں اپناویں تانجے پیداوار تے آمدنی مانہ اضافو وے اس پروگرام غو مقصد کساناں مانہ جدید زرعی طریقاں غا بارا مانہ شعور پیدا کرنو تھو۔ اس موقع ور گل کرتا واں جموں زراعت غا ڈائریکٹر ارویندر سنگھ رین نے اس طرح کہیو۔

PROG ANNOUNCEMENT

ریجنل نیوز یونٹ آکاشوانی جموں غا می ماحو یاتی تہاڑا غا موقع ور ایک خصوصی پروگرام پیش کرے غو۔ یہ خصوصی نشریات 5 جون 2025 نانہ سویرے 9:30 بجے نشر کیو جے غو۔ اس پروگرام مانہ مہمان خصوصی ویں گا پروفیسر یش پال شرما جہیڑا جموں یونیورسٹی مانہ لایف سائنس نساب غا ڈین ہیں پروگرام غی میزبانی کریں غا مارا انکر شروتی کھجوریہ تے کنوال شریوٹسا ایسا ہور وی معلوماتی پروگراماں واسطے سنتا رہیو آکاشوانی نیوز جموں میڈیم ویو 990 کلو ہٹز تے ایف ایم 100.3 میگا ہٹز۔

POONCH SPORTS

ضلع پونچھ غا کھیڈ میدان مانہ محکمہ یوتھ سروسز تے سپورٹس غی جانب تیں 14 سال غی عمر غی کڈیاں غے درمیان ضلعی سطح ور مختلف علاقاں غے درمیان مقابلوں غو انعقاد کیو کیو تقریب غو افتتاح محکمہ مال غا ایڈیشنل ڈپٹی کمشنر محمد سید نے کیو۔ 11 مختلف علاقاں تیں 300 طلباں نے کھو کھو وائی بال، کبڈی شطرنج تے چڑک چھک مانہ حصو وے اس موقع ور گل کرتا واں محکمہ مال غا ایڈیشنل ڈپٹی کمشنر محمد سید نے اس طرح کہیو۔
